

**Cofnodion heb eu Cadarnhau o Gyfarfod Bwrdd AaGIG
a gynhaliwyd am 2pm, 10 Mehefin 2021
drwy Zoom/Telegynadleda, drwy Tŷ Dysgu, Nantgarw**

Yn bresennol

Dr Chris Jones	Cadeirydd
John Hill Tout	Is-gadeirydd, Aelod Annibynnol
Tina Donnelly	Aelod Annibynnol
Gill Lewis	Aelod Annibynnol
Alex Howells	Prif Weithredwr
Angela Parry	Cyfarwyddwr Nyrsio Dros Dro
Julie Rogers	Cyfarwyddwr y Gweithlu ac OD
Eifion Williams	Cyfarwyddwr Cyllid
Yr Athro Pushpinder Mangat	Cyfarwyddwr Meddygol

Hefyd yn bresennol:

Dafydd Bebb	Ysgrifennydd y Bwrdd
Sian Richards	Cyfarwyddwr Digidol
Nicola Johnson	Cyfarwyddwr Cynllunio, Perfformiad a Gwasanaethau Cwsmeriaid
Huw Owen	Rheolwr Gwasanaethau Cymraeg
Catherine English	Rheolwr Llywodraethu Corfforaethol (Ysgrifenyddiaeth)

RHAN 1	MATERION RHAGARWEINIOL	Cam Gweithredu
1006/1.1	Croeso a Chyflwyniadau	
	Croesawodd y Cadeirydd bawb i'r cyfarfod a chadarnhawyd bod cworwm yn bresennol.	
1006/1.2	Ymddiheuriadau am absenoldeb	
	Cafwyd ymddiheuriadau gan Dr Heidi Phillips, Dr Ruth Hall a Lisa Llewelyn.	
1006/1.3	Datganiad o fuddiant	
	Ni chafwyd dim datganiadau o fuddiant.	
1006/1.4	Derbyn a chadarnhau cofnodion y cyfarfod o'r Bwrdd a gynhaliwyd ar 27 Mai 2021	
Penderfynwyd	Derbyniwyd a chymeradwywyd y cofnodion fel cofnod cywir o'r cyfarfod yn amodol ar y gwelliant canlynol: 2705/4.5 i'w ddiwygio i ddarllen 'Cyflwynodd John Hill-Tout yr adroddiad gan nodi bod y Pwyllgor wedi cael y Cyfrifon Blyneddol drafft 2020/21 a Barn y Pennaeth Archwilio Mewnol ac Adroddiad Blyneddol 2020/21 drafft.'	DB
1006/1.5	Log Gweithredu o gyfarfod y Bwrdd a gynhaliwyd ar 27 Mai 2021	

	Derbyniodd y Bwrdd y Log Gweithredu a nododd fod y camau gweithredu naill ai wedi'u cwblhau, o fewn y flaenraglen waith neu eu bod yn faterion i'w hystyried ar agenda heddiw.	
Penderfynwyd	Nododd y Bwrdd y Log Gweithredu	
1006/1.6	Materion yn codi	
	Nid oedd dim materion yn codi.	
RHAN 2	LLYWODRAETHU, PERFFORMIAD A SICRWYDD	
1006/2.1.1	Cynllun Blynyddol 2021/22	
	Derbyniodd y Bwrdd yr adroddiad. Wrth gyflwyno'r adroddiad, eglurodd Nicola Johnson fod Cynllun Blynyddol drafft terfynol 2021/22 wedi'i gymeradwyo gan Fwrdd AaGIC ym mis Mawrth i'w rannu â Llywodraeth Cymru. Cadarnhawyd ei bod yn ofynnol bod Cynlluniau Blynyddol terfynol a gymeradwywyd gan y Bwrdd cael eu cyflwyno i Lywodraeth Cymru erbyn 30 Mehefin 2021 er na fyddai Llywodraeth Cymru yn cymeradwyo'r cynlluniau'n ffurfiol oherwydd pandemig COVID-19. Cafwyd adborth anffurfiol cadarnhaol gan Lywodraeth Cymru ar y Cynllun drafft am ei fod yn gynllun uchelgeisiol a hyderus gyda phwyslais cryf ar leihau anghydraddoldebau a chyflawni Strategaeth y Gweithlu. Ailadroddwyd yr adborth hwn yng nghyfarfod diwedd blwyddyn y Cyd-dîm Gweithredol ar 8 Mehefin. Amlygodd yr adborth nifer fach o feysydd i'w gwella, ac roedd y rhain wedi'u cryfhau yn y ddogfen derfynol. Yn benodol, roedd y Cynllun Ariannol a'r Set Ddata Sylfaenol genedlaethol wedi'u diweddarau, ac roedd y Cynllun Blynyddol wedi'i ddiwygio i adlewyrchu'r adroddiad perfformiad diwedd blwyddyn. Bu'r Bwrdd yn ystyried llythyr adborth Llywodraeth Cymru. Diolchodd y Bwrdd i Nicola Johnson a'i thîm am eu gwaith o ddrafftio Cynllun Blynyddol uchelgeisiol ar gyfer 2021/22.	
Penderfynwyd	Cymerodd y Bwrdd y camau canlynol: Cymeradwywyd Cynllun Blynyddol 2021/22 er mwyn ei gyflwyno i Lywodraeth Cymru erbyn 30 Mehefin.	NJ
1006/2.1.1	Cynllun Adnoddau 2021/22	
	Derbyniodd y Bwrdd yr adroddiad. Wrth gyflwyno'r adroddiad, eglurodd Eifion Williams ei fod yn cynnwys y dull a ddefnyddid i bennu cyllidebau 2021/22 ac i ddirprwyo i ddeiliaid cyllidebau, yn unol â'r Cynllun Blynyddol y cytunwyd arno gan Fwrdd AaGIC. Ar ôl cael llythyr dyrannu Llywodraeth Cymru ar gyfer 2021-22 ac adolygiad manwl o'r adnoddau sydd ar gael, diwygiwyd y Cynllun Ariannol o fewn y Cynllun Blynyddol, a dangosir y	

	manylion yn Atodiad 1 o'r adroddiad. Er bod y dyraniad cyllid craidd diwygiedig ar gyfer 2021/22 yn £270m, nodwyd fod cyllid afreolaidd pellach i gefnogi achosion busnes penodol a swyddi a mentrau ychwanegol wedi'u cyflwyno i Lywodraeth Cymru ac y gweithredir arnynt yn ystod y flwyddyn. Hefyd, byddai £600k o gyllid datblygu'n cael ei gario ymlaen i 2021-22 fel addasiad afreolaidd i'r dyraniad yn ystod y flwyddyn. Nododd Eifion Williams fod trafodaethau'n cael eu cynnal â Llywodraeth Cymru ynglŷn â'r newidiadau sefydliadol arfaethedig y cytunwyd sydd eu hangen i gyflawni gwaith craidd AaGIC. Cafodd y newidiadau sefydliadol hyn eu hariannu o gyllid datblygu rheolaidd a oedd ar gael, ond roedd natur reolaidd penodiadau perthnasol yn golygu y byddai'r hyblygrwydd a ddaw yn sgil y datblygiad yn cael ei golli oni bai bod y rhain yn cael eu cydnabod o fewn y dyraniad craidd. Cadarnhawyd y byddai Llywodraeth Cymru yn ariannu dyfarniadau cyflog a chwyddiant cysylltiedig yn y dyraniad referniw. O ran chwyddiant nad yw'n gysylltiedig â thâl, eglurodd Eifion Williams mai elfen fechan o wariant nad oedd yn ymwneud â thâl oedd wedi'i chynnwys yn y cyllidebau ac felly roedd y risgiau sy'n gysylltiedig â chwyddiant yn fach iawn. Roedd y rhan fwyaf o wariant AaGIC nad oedd yn gysylltiedig â thâl yn ymwneud â chomisiynu ac roedd y gweithgareddau hyn yn cael eu rheoli'n dda gyda'r contractau hynny. Canmolodd y Bwrdd waith y Tîm Cyllid wrth ddatblygu Cynllun Adnoddau sy'n cyd-fynd â dyheadau'r Cynllun Blynyddol.	
Penderfynwyd	Cymerodd y Bwrdd y camau canlynol: • Cytunwyd ar y fethodoleg a ddefnyddiwyd i bennu cyllidebau dirprwyedig 2021/22. • Nodwyd y fframwaith ariannol fel y nodir yn y Cynllun Blynyddol. • Nodwyd Dyraniad Llywodraeth Cymru. • Nodwyd ac ystyriwyd y risgiau allweddol a amlinellwyd.	
1006/2.2	Adroddiad Atebolrwydd Blynyddol	
	Derbyniodd y Bwrdd yr adroddiad. Wrth gyflwyno'r adroddiad eglurodd Dafydd Bebb fod yr Adroddiad Atebolrwydd yn rhoi amlinelliad o raglen AaGIC mewn perthynas â threfniadau llywodraethu'r Bwrdd a'i fod yn cynnwys tair dogfen allweddol: y Datganiad Llywodraethu Blynyddol, yr Adroddiad Cydnabyddiaeth Ariannol a Staff ac Adroddiad Atebolrwydd ac Archwilio Cynulliad Cenedlaethol Cymru. Cadarnhawyd fod yr Adroddiad Atebolrwydd Blynyddol wedi'i ystyried gan y Pwyllgor Archwilio a Sicrwydd ar 9 Mehefin ac	

	argymhellwyd fod y Bwrdd yn ei gymeradwyo'n amodol ar y ddau welliant canlynol: - Bod cyfeiriad at yr Adroddiad Archwilio Mewnol ar Lywodraethu, a oedd yn rhoi pwyslais ar grwpiau AaGIC, yn cael ei gynnwys ar dudalen 24 o'r Datganiad Llywodraethu Blynnyddol; a - Dylid diweddarau tabl presenoldeb y bwrdd ar dudalen 7 i ddangos bod Tina Donnelly yn bresennol mewn chwe chyfarfod o'r bwrdd yn hytrach na phump fel y nodir ar hyn o bryd.	
Penderfynwyd	Yn unol ag argymhelliad y Pwyllgor Archwilio a Sicrwydd, cymeradwyodd y Bwrdd Adroddiad Atebolrwydd Blynnyddol 2020/21 i'w lofnodi gan y Swyddog Atebol a'r Cadeirydd a'i gyflwyno i Lywodraeth Cymru yn amodol ar y diwygiadau a nodwyd.	DB
1006/2.3	Adroddiad Perfformiad 2020/21	
	Derbyniodd y Bwrdd yr adroddiad. Wrth gyflwyno'r adroddiad, eglurodd Dafydd Bebb mai diben yr Adroddiad Perfformiad oedd rhoi'r wybodaeth ddiweddaraf am berfformiad y sefydliad yn 2020/21, gan gynnwys cynnydd o ran cyflawni Nodau Strategol a gweithgareddau busnes AaGIC. Cadarnhawyd fod yr Adroddiad Perfformiad wedi'i ystyried gan y Pwyllgor Archwilio a Sicrwydd ar 9 Mehefin a'i fod wedi argymhell fod y Bwrdd yn ei gymeradwyo yn amodol ar y diwygiad canlynol: Cywirwyd y gyfradd perfformiad PADR ar dudalen 9 i ddangos 61.8%.	
Penderfynwyd	Yn unol ag argymhelliad y Pwyllgor Archwilio a Sicrwydd, cymeradwyodd y Bwrdd Adroddiad Perfformiad Blynnyddol 2020/21 i'w gyflwyno i Lywodraeth Cymru yn amodol ar y newid a nodwyd.	DB
1006/2.4	Adolygiad y Pwyllgor Archwilio a Sicrwydd o'r Cyfrifon a'r Datganiadau Datgeliad Cyhoeddus	
	Eglurodd Gill Lewis, Cadeirydd y Pwyllgor Archwilio a Sicrwydd, fod y Pwyllgor wedi cynnal adolygiad llawn a thrylwyr o'r cyfrifon a'r datganiadau datgeliadau cyhoeddus. Rhoddwyd sylw i unrhyw gwestiynau ynglŷn â'r cyfrifon ac felly roedd y Pwyllgor Archwilio a Sicrwydd yn gallu argymhell bod y Bwrdd yn cymeradwyo'r cyfrifon.	
Penderfynwyd	Nododd y Bwrdd ddiweddariad gan Gadeirydd y Pwyllgor Archwilio a Sicrwydd.	
1006/2.5	Cyfrifon Terfynol 2020/21	
	Derbyniodd y Bwrdd gyfrifon terfynol 2020/21. Wrth gyflwyno'r Cyfrifon Terfynol, nododd Eifion Williams:	

	• Roedd y costau gweithredu yn 2021 yn £254.7m, cynnydd o £21.7 miliwn o'i gymharu â'r flwyddyn flaenorol. Roedd y cynnydd mwyaf mewn gwariant ar hyfforddiant Meddygol, Deintyddol a Fferyllol fel y nodwyd yn nodyn 3.2 o'r Cyfrifon. • Bu cynnydd o £7.2m yn y gwariant ar Gofrestryddion Meddygon Teulu ynghyd â chynnydd o £2.1 yn y gwariant ar feddygon dan hyfforddiant. • Cafodd hyfforddiant deintyddol ei gynnwys yn y Cyfrifon am y tro cyntaf ers iddo gael ei drosglwyddo o gyllid Llywodraeth Cymru ac roedd wedi golygu cynnydd o £4.3 yng ngwariant AaGIC. Tynnwyd sylw at y ffaith bod AaGIC wedi cyflawni ei ddyletswyddau statudol yn 2020/21 drwy: • mantoli'r gyllideb yn erbyn y Terfyn Adnoddau Refeniw am y cyfnod gyda thanwariant o £95,000, • mantoli'r gyllideb yn erbyn y Terfyn Adnoddau Cyfalaf am y cyfnod cyfrifyddu gyda thanwariant o £21,000; a • talu 95.9% o anfonebau nad ydynt yn anfonebau'r GIG o fewn 30 diwrnod ar ôl eu cael yn erbyn y targed o 95%.	
Penderfynwyd	Nododd y Bwrdd Gyfrifon Terfynol 2020/21.	
1006/2.6	Archwilio Cymru – Adroddiad Archwilio Datganiadau Ariannol (ISA260) a Llythyr Cynrychiolaeth	
	Derbyniodd y Bwrdd Adroddiad Archwilio Datganiadau Ariannol Archwilio Cymru (ISA 260) a oedd yn cynnwys y Llythyr Cynrychiolaeth. Wrth gyflwyno'r ISA 260, rhoddodd Eifion Williams drosolwg o bwyntiau allweddol yr adroddiad a chadarnhaodd fod Archwilio Cymru yn cyhoeddi barn archwilio ddiamod ar gyfrifon AaGIC ar gyfer 2020/2021. Nododd y Bwrdd nad oedd: • camddatganiadau dibwys wedi'u canfod yn y cyfrifon sy'n dal heb eu cywiro, • cywiriadau i'r Datganiadau Ariannol; nac • argymhelliad sy'n deillio o'r archwiliad. Nododd Eifion Williams fod un pwyslais ar fater yn ymwneud ag Atebolrwydd Treth Bensiwn Clinigwyr a oedd yn fater Cymru gyfan ac a oedd yn gofyn am ddatgelu rhwymedigaeth ddibynnol yn 21.1 o'r Datganiadau Ariannol.	
Penderfynwyd	Nododd y Bwrdd gynnwys yr ISA260 a'r Llythyr Cynrychiolaeth.	
1006/2.7	Cymeradwyaeth Ffurfiol i Gyfrifon a Datganiadau Datgeliad Cyhoeddus 2020/21	

	Ystyriodd y Bwrdd y Cyfrifon a'r Datganiadau Datgeliadau Cyhoeddus ar gyfer 20 20/2021 ac argymhelliad y Pwyllgor Archwilio a Sicrwydd. Diolchodd y Bwrdd i'r Tîm Cyllid ac Archwilio Cymru am baratoi set ragorol o gyfrifon terfynol o fewn amserlen gytunedig Llywodraeth Cymru. Diolchodd y Bwrdd hefyd i'r Prif Weithredwr a'i Thîm Gweithredol am eu harweinyddiaeth a'u cynllunio yn ystod y flwyddyn ddiwethaf.	
Penderfynwyd	Cymerodd y Bwrdd y camau canlynol: • Cymeradwyo Cyfrifon a Datganiadau Datgeliadau Cyhoeddus 2020/21. • Cymeradwyo'r defnydd o lofnodion electronig ar gyfer llofnodi'r Cyfrifon, y Datganiadau Datgeliadau Cyhoeddus, ac elfennau amrywiol o'r Adroddiad Atebolrwydd cyn eu cyflwyno i Lywodraeth Cymru ar 11 Mehefin 2021.	EW
1006/2.8	Penderfyniadau a Wnaed yn y Pwyllgor	
Penderfynwyd	Derbyniodd a nododd y Bwrdd yr adroddiad a oedd yn cynnwys y materion allweddol a drafodwyd 'yn y pwyllgor' yng nghyfarfod y Bwrdd ym mis Mai.	
PART 3	MATERION ERAILL	
1006/3.1	Unrhyw Fater Brys Arall	
	Gofynnodd y Cadeirydd i'r Bwrdd gadarnhau Cam a gymerwyd gan Gadeiryddion ar 4 Mehefin i awdurdodi'r Prif Weithredwr i awdurdodi anfoneb Cyflogwr Arweiniol Sengl Misol y Cyd-wasanaeth (SLE) am hyd at £4 miliwn ar gyfer pob un o'r misoedd canlynol: Mehefin, Gorffennaf, Awst a Medi 2021. Roedd yr anfoneb SLE yn cynnwys: • Meddygon Teulu dan Hyfforddant • Hyfforddeion Deintyddol Sylfaen; a • Fferyllwyr cyn cofrestru (anfoneb SLE fisol). Cadarnhawyd, yn unol â Rheolau Sefydlog AaGIC, fod y Cadeirydd a'r Prif Weithredwr wedi cymryd camau i weithredu ar ôl ymgynghori â dau Aelod Annibynnol.	
Penderfynwyd	Cadarnhaodd y Bwrdd Gam Gweithredu'r Cadeirydd yn awdurdodi'r Prif Weithredwr i gymeradwyo anfoneb Cyflogwr Arweiniol Sengl Misol y Cyd-wasanaeth am hyd at £4 miliwn ar gyfer pob un o'r misoedd canlynol: Mehefin, Gorffennaf, Awst a Medi 2021.	
1006/3.2	Dyddiad y cyfarfod nesaf	
	Dyddiadau'r Cyfarfodydd Nesaf: • Sesiwn Datblygu Bwrdd AaGIC i'w chynnal ar 17 Mehefin 2021 drwy Microsoft Teams/Telegynadledda.	

	• Bwrdd AaGIC i'w gynnal ar 29 Gorffennaf 2021 i'w gynnal drwy Zoom/Telegynadledda.	
--	---	--

.....
Chris Jones (Cadeirydd)

.....
Dyddiad